

कोरिन्थला वोतुप तेपा कितुपतिवाला पावलकी टिवु यिकी डियेवा दी थेपकी कोर्ला

दी थेप ति पावलकी खोरो राड गो चुवु कोरिन्थीकी चर्चला टिवु यिकी डियेवा यिन। दी यिकी टिकुप पेला पावल ताड खोरो चर्चकी मीतिवी पर्ला तम्जी ल्यामु मिन्दुक। च्यिलासिसिन चर्चकी मीतिवा ललाइकी पावलला छासे मारे ताड्नुक। यिन्सिनाड पावलकी तिवी मुला डिकुप छासे नो क्यानोक। ती नो क्यावु ति तेरी च्युडिसिन पावलला छासे गा गिवी।

दी यिकीकी थल्माला पावलकी खुरूड ताड खोरो चर्चकी पर्ला वोतुप तम्जीकी कोर्ला टिनी वे। चर्चकी मीतिवी खुरूडला डोशी मारे तड्गुप ताड खोरो तेन्दोकला लावु तामडेकी कोर्ला डार क्यानी सिक्या वे। तीकी जोसालेन्सिन चर्चकी मीतिवा सेम ग्युनी खोरो मुला थिन वासिमा पावल गा लानोक। ती ज्युक्ला पावलकी यहदियाला वोतुप पेराड्नु ख्रीष्टियानतिवी थोक्ला सेम्बा सेमगी दाल्जा किटे कितुप सिनी चर्चकी मीतिवाला गोड्बा शुनोक। तिड्मी लोप्चेनतिवाला ल्हासिन पावलकी खुरूड वुतुड ख्रीष्टकी लोमा छये यिन सिनी दप्शे ग्यम वे। च्यिलासिसिन कोरिन्थीकी यम्बा मी ललाइकी पावल ति वुतुड के येशूकी लोमा छये मिन, यिने ती ति लोमा मेटेड्बु यिन सिनी क्येन ग्यकिनोक।

मुला राड वोतुप लोप्चेनतिवा

पावलकी डोशी १:१-११

पावल ताड कोरिन्थकी चर्च १:१२-७:१६

यहदियाला वोतुप ख्रीष्टियानतिवी थोक्ला बुल्वा ८:१-१:१५

पावलकी खुरूड वुतुड के लोमा छये यिन सिनी सिक्यावु १०:१-१३:१०

यिकी टि सिन्दा क्यावु १३:११-१३

1 टसी देलेक! दी यिकी ति कोन्छयोक्की नोवा नेमा ख्रीष्ट येशूकी लोमा छये च्युड्गुप ड पावल ताड दाक्पी नुप तिमोथी नेसुर कोरिन्थीला वोतुप कोन्छयोक्की चर्चकी मीतिवा ताड अखैया लुड्बाला वोतुप तेरी कोन्छयोक्ला तेपा कितुप मीतिवाला टिवु यिनो।

2 दाक्पी पपा कोन्छयोक ताड चोवो येशू ख्रीष्टकी खिराडला कटिन ताड लोदिमु नडिशता।

डाडेड नड्गुप कोन्छयोक

3 दाक्पी चोवो येशू ख्रीष्टकी पपा कोन्छयोकला सोवा वुडशी। खो ति च्यम्बा ताड टोड्गु तेरी नड्गुप कोन्छयोक यिन।

4 खोकी इयिराडला तेरी परकी दुक्पा ख्येलुप पेला टोड्गु नड्गिगी। तुक क्यानी इयिरा साड खोकी नड्गुप टोड्गु नेमा मी ललाइला दुक्पा ख्येलिसिन तिवाला टोड्गु तेर थुक्किगी।

5 चुक क्यानी ख्रीष्टकी थोक्ला इयिरा छेटाड बडी खुर्किवे, तुक राड क्यानी ख्रीष्ट नेमा कोन्छयोककी इयिराडला छासे क्यानी टोड्गु नड्गिगी।

6 इयिराडला दुक्पा इयेतुप ति खिराडला टोड्गु ताड थर्वा इयेतुपला यिन। इयिराडला टोड्गु इयेतुप ति खिराडला साड टोड्गु इयेतुपला यिन। तमा ती टोड्गु नेसर राड इयिरा दोके खिरा साड दुक्पा खरुप ताड हम क्यानी दे थुक्किगी।

7 तुक क्यानी इयिरा खिराडला रेवा क्यारु ति नाम्साड मोयोम्बी। इयिराडला छ्या वे, इयिरा खरुप दोके दुक्पा खिरा साड खर्वे। इयिराडला इयेतुप दोके टोड्गु ति खिराडला साड इयेकिगी।

8 अच्युनुपतिवा, इयिरा एशिया लुड्बाला दुक्पा खरुप ति खिराडला ल्यामु क्यानी हाक्कोशी सिस्सु नोवा वे। ते इयिराडला छासे दुक्पा इयेतुप तप्की सेन्बु लुकिते सिस्सु रेवा साड मेतुप्जा।

9 वुतुड के इयिरा याड त शेप पेला लेप्सुड सिनी नो क्यारी। यिने ती ति इयिरा खरुडला राड रेवा क्यारु मिन, शेपतिवाला सेन्बु लोड्गुप कोन्छयोकला तिराड रेवा कि थुप्शी सिनी तुकै च्युड्गुप यिन।

10 खोकी इयिराडला तुका शेप ने रहोक नाड्सुड। तमा तन्दा साड रहोक नड्गिगी। तुक क्यानी येलुड ज्युक्ला इयिराडला रहोक नड्गुप खोला इयिरा तेरी रेवा क्यारु वे।

11 तीकी थोक्ला खिरा इयिराडला मोपोर क्यानी दाल्जा किटे किसा। तुक क्यारुसिन खिराड बडीकी क्यारु मोपोर नेसर कोन्छयोककी इयिराडला मोलाम नड्गुप तप्की मी बडीकी कोन्छयोकला थुचिछे बुल्गिगी।

पावलकी कोरिन्थला डोप नोवा पोवु

12 इयिराड दी ताम्डेला तेके किवी, तमा ड सेम टेड्बुकी पड्बु तेरिन। दी जम्बुलिडला देनी क्यावु इयिरा किताड नालु ताड खक्खयेवुला ख्यिरा मुकी तम्जीला ताम्डे जिनोक माजोनी कोन्छयोक् नेमा वावु टेड्बुला क्यावु यिन। इयिरा तुक् क्यावु ति जम्बुलिडकी रिक्पा नेमा वावु मिन, कोन्छयोक्की कटिन नेमा वावु यिन।

13 इयिराड ख्यिराडला लोप थुपुप ताम्डे ताड हाक्को थुपुप ताम्डे तिराड टिकिन। तन्दा इयिरा ख्यिराडला लापुप ति ख्यिरा चेयी तिराड हाक्को वे,

14 यिने तिडुला ति ख्यिरा तेरी हाक्को थुक्किवी सिनी ड रेवा कितिन। तुक् क्यानी दाक्पी चोवो येशू फेवु तुजेला इयिरा ख्यिरा थोक्ला तेके क्यावु दोके ख्यिरा इयिरा थोक्ला तेके किवितो।

15 ती ताम्डे ति डला तेन्तेन वोतुप तप्की गोमाला डे ख्यिराडला ठेतुपला वुड्गुप नो क्यायी। तुक् क्यासिन ड ख्यिरा ते थेड्मा ड्यी वासिमा ख्यिराडला लोदिमु च्युड्गिगीवी।

16 ड माकेडोनिया डोप पेला ख्यिराडला ठेनी डोप, तमा माकेडोनिया नेसुर लोकूप पेला साड ख्यिराडला ठेतुप नो क्यायी। तमा तेसुर ड यह्दियाला डोप पेला ख्यिरा डला दाल्जा किटे किवी सिनी नो क्यायी।

17 काड डे नासाम मातड्वा क्यानी ख्यिरा ते वुड्गुप पोवु यिन सिनी ख्यिरा नासाम तड्गुप? काड ड जम्बुलिडकी मीतिवी दोके मीला गा लोड्गुपला पर्साला “ड गिवी।”, पर्साला “ड मेवी।” सिनी रडगी थोक्ला तिराड नासाम तड्नी सिक्क्यावु यिन रो?

18 कोन्छयोक् ति खोड्तेर्मु वे। तुक् क्यानी ड साड पर्साला “गिवी”, पर्साला “मेवी” सिनी थाक् मेह्येवी।

19 च्येलासिसिन सिलास ताड तिमोथी ताड डे ख्यिराडला ख्याप्ताक क्यावु कोन्छयोक्की सेवु येशू ख्रीष्ट साड पर्साला “यिन”, पर्साला “मिन” सिनी ताम्डे ड्यी कितुप मिन। यिने खो ति नरी “यिन” सिम्प तिराड वे।

20 कोन्छयोक्की थाक्खयेन नड्गुप सुडतिवा तेरी ख्रीष्टकी ओडला च्युड्गिगीवी। तुक् क्यानी कोन्छयोक्की मोवाकी थोक्ला ख्रीष्ट नेमा दाक्पी “आमिन” सिनी सिवी।*

* 1:20 १:२० आमिनकी तेन्दोक् ति “वुतुड के यिन” सिनी सिक्क्यावु यिन।

21 कोन्छयोककी राड ड़ियराड ताड ख़ियराडला ख़ीष्टकी मुला तम्जी रम्बु जो नड वे। तमा खोकी राड दाक्पुला पेनी

22 दाक्पुला खोरे ति यिन सिनी त ग्यम वे। तमा दाक्पुला थाक्छयेतुपकी थोक्ला दाक्पी सेमला खोकी थु चाड्मा नड्नी वे।

23 डे सेम हाक्कोवु कोन्छयोक पड्बु वे। डे ख़ियराडला वोरु तेन्नी ख़ियराडला कले मेख्येल्शी सिनी राड ड़ कोरिन्थला माडुवु यिन।

24 ड़ियरा ख़ियराडला चुक क्यानी तेपा कि गोकिवी सिनी ओड्ज्येन कितुपला कार क्यावु मिन, यिने ख़ियराडला गा लोड्गुपला राड ड़ियराड ख़ियरा मुला लाका कितिने। च्यिलासिसिन ख़ियराड याड येशूला तेपा रम्बु वे।

2

1 तुक क्यानी डे ख़ियराडला वोरु तेन्नी ख़ियरा सेम मेलोकपा मोडोशी सिनी राड ड़ ख़ियरा ते येलुड मेड्गुप तेन्तेन क्यायी।

2 च्यिलासिसिन डे ख़ियराडला सेम्दुक लाडिसन ती डे सेम्दुक लड्गुप मी तीकी मिसिन यम्बा सी डला गा लोड थुक्किवी रो?

3 गोमाला डे ख़ियराडला ती यिकी टिवु ति ड़ ख़ियरा ते वुड्गुप पेला डला गा लोड्गुप मीतिवी राड डला सेम्दुक मोलोड्शी सिनी यिन। च्यिलासिसिन डला सेम गा लड्गुप ति ख़ियराड तेरीला सेम गा लड्गुप यिन सिस्म ति डला तेन्तेन वे।

4 डे छासे दुक्पा क्यानी सेमला दुडल खुरिन ताड मिकला मिक्च्युर तोड्यिन सिरा ख़ियरा थोक्ला ती यिकी ति टियिन। ती ति ख़ियराडला सेम्दुक लोड्गुपला टिवु मिन, यिने ख़ियराडला डे छासे ड़ियड्ज्ये क्यावु ति हाक्कोशी सिनी टिवु यिन।

दिक्छेनतिवाला दिक्पा पड्गुपकी कोर्ला

5 त येलुड मी ललाइकी यम्बाला सेम्दुक लडिसन ती सेम्दुक लड्गुप ति डे थोक्ला बडी सेम्दुक लड्गुप मिन, यिने ख़ियरा पर्ला मी ललाइतिवाला साड सेम्दुक लड्गुप यिन। दी ताम्डे ति ख़ियराडला कोक्पु मोजोवुला डे चेयी तिराड सिक्पावु यिन।

6 ख़ियरा पर्ला मी माड्शोक नेसुर तुका मीला याड चुका परकी छयेर्पा कल्सिनाड ग्यावा यिन।

7 त याड ख्यिरा तीला माफ बिन्नी टोड्गु तेर गोकिवी। मिसियाड ती मी ति छासे सेम्दुक लानी तेपा कितुप साड क्युनी ज्योक थुकिवी।

8 तुक क्यानी ख्यिरा तीला छासे क्यानी ड्यिड्ज्ये कितुप ति छ्या तेन सिनी ड ख्यिराडला ठाकुरे सिरिन।

9 डे सिक्वावु ति ड्येन्गिबे मेड्येन्वे ल्हापला ताड ख्यिराड खला ड्येमु वोतुप मेतुप हाक्कोवुला राड डे ती यिकी ति ख्यिराडला टिवु यिनो।

10 ख्यिरा सुला माफ तेर्किवे, ड साड तीला माफ तेरिनो। दोजो डे ललाइला काड रे च्यिक रे ताम्डेला माफ बिन्सिन ती ति ख्रीष्टकी थोड्दाडला ख्यिरा थोक्ला डे माफ बिन्दुप यिन।

11 तुक क्यावु तेन्दोक ति शैतानकी दाक्पुला च्यु छोल मुथुष्पी सिनी यिन। च्यिलासिसिन तीकी खोनक्पु वोतुप च्युतिवा दाक्पुला तेरी छ्या वे।

ख्रीष्टकी टी जड्बु

12 ड ख्रीष्टकी कोर्ला लेन ल्यामु ख्याप्टाक कितुपला त्रोआसला वुड्गुप पेला चोवोकी डला खोकी थोक्ला शब्ज्यी कितुप लाम पेन नाड्सुड।

13 यिने डे मुला लाका कितुप नुप तीतसला ते माठेसिमा डला लोदिमु माच्युड। तुक क्यानी ते वोतुप मीतिवी मु नेसुर क्येनी माकेडोनियाला गलिन।

14 यिने कोन्छ्योकला थुचिछे, च्यिलासिसिन खोकी ड्यिराडला शैतानकी खला ओड्ज्येन कितुपला नरी ख्रीष्ट नेसुर गोमा किवी। तमा खोकी ख्रीष्टकी कोर्ला वोतुप रिक्पा ति छे ज्यीला फेल ज्यितुपला ड्यिराडला दाल्जा किवी। ती रिक्पा ति टी जड्बु खाप यिन।

15 च्यिलासिसिन ड्यिराड याड तेपा क्यानी दिक्पा ने थरूपतिवा ताड तेपा माक्यानी ना डोपतिवा तेरीकी पर्ला कोन्छ्योकला पुलुप ख्रीष्टकी टी जड्बु दोके यिन।

16 ती टी जड्बु ति ना डोपतिवी थोक्ला नरीकी नरी शेष तेन्दोक यिन, दिक्पा ने थरूपतिवी थोक्ला मिजी थोपुप तेन्दोक यिन। तमा तुका लाका ग्येर्पु कितुप ति सु वे रो?

17 मी यम्बी दोके ड्यिरा ति कोन्छ्योककी सुडला ख्येमु वोतुप च्यालक छोड कितुप मी दोके मिन। बोरु ड्यिराड याड कोन्छ्योककी तड्गुप तप्की खोकी थोड्दाडला ख्रीष्टकी थोक्ला ताम्डे टेड्बु तिराड सिवी।

3

ठिम सम्बाकी कोर्ला

1 माइशोक मी ललाइकी खुरूड ति लाका ल्यामु कितुप मी यिन सिनी मी यम्बी टिवु यिकी खुरी गिबी, यिने डियराड खिरा ते बुङ्गुप पेला तुका यिकी खुर बुड मोगोवी, याइना डियराड दासा यम्बाला डोप पेला खिरा डियराडला तुका यिकी जो मोगोवी।

2 खिराड ति डियरा थोक्ला तेरीकी हाक्कोवु ताड लोप थुपुपला टिवु यिकी यिनो। ती यिकी ति डियरा सेमला राड टिनी वोतो।

3 वुतुड के खिराड ति ख्रीष्टकी टिवु यिकी यिन। ती यिकी क्योलुप ति डियराड राड यिन। ती यिकी ति नक्वी थ्वोनी टिवु मिन, डोसु वोतुप कोन्छयोक्की थु चाइमाकी टिवु यिन। दे येम्ज्येला टिवु मिन, मी सेमला टिवु यिनो।

4 ख्रीष्ट नेसुर कोन्छयोक्की थोइदाडला तेन्तेन वोतुप तप्की डियराड दी ताम्डे ति सिरिन।

5 चुका लाका साड डियरा राड क्यावु यिन सिनी सि मुथुपी। डियराडला लाका कितुप डार ति कोन्छयोक् नेमा राड इयेतुप यिन।

6 खोकी डियराडला खो ताड डियरा पर्ला थाक्छयेवु ठिम सम्बाकी थोक्ला शब्ज्यी कितुप डार नाइसुड। दी थाक्छयेवु ठिम सम्बा ति यिकीला टिवु मिन, कोन्छयोक्की थु चाइमाकी टिवु यिन। यिकीला टिवु ठिमकी मीला शि ज्यिकिबी, यिने कोन्छयोक्की थु चाइमाकी याड मिजी नडिगीवी।

ठिम सम्बाकी मोवा

7 कोन्छयोक्की मोशाला दे येम्ज्येला टिवु ठिम नङ्गुप पेला खोकी मोवा नेमा बुङ्गुप वोसिर ति मोशाकी डुतुडला ठछयेली गाल्सुड। ती तप्की ती ठछयेली ति चेयी पर सेक तिराड देनी गलुप यिन्सिनाड इम्नाएलकी मीतिवी मोशाकी डुतुडला ल्ह लहावा दे माथुप। तुक क्यानी मीला शि ज्यितुप ठिम डियेड्बाकी शब्ज्यी कितुप लाकाला साड तुका वोसिर वोसिन,

8 मिजी थोपुप कोन्छयोक्की थु चाइमाकी शब्ज्यी कितुप लाकाला याड मड चोके वोसिर वोते?

9 दोजो मीला क्येन तेरुप शब्ज्यीकी लाकाला साड तुका वोसिर वोसिन मीला टेड्बु जोप शब्ज्यी कितुप लाकाला याड मड चोके वोसिर ग्यकुप वोते।

10 ती ताम्डे ति नासाम ताडिसिन तसाम वावु ठिमकी वोसिर ति छासे सल्वु वोतुप तप्की गोमी ठिमकी वोसिर ति तोनी गाल।

11 चेयी पर सेक तिराड लुवु ठिमला साड तुका वोसिर वोसिन नरीकी नरी लुवु ठिमला याड मड चोके वोसिर ग्यकुप वोते।

12 तुक क्यानी डियराडला तुका रेवा वोतुप तप्की डियराड छासे डाडेड कितुप गल वे।

13 मोशाकी याड खोरो डुतुडला वोसिर ड्युड्यु गलुप ति इस्त्राएलकी मीतिवी मोथोड्शी सिनी खयिटो गुकुर ग्यप्सुड। डियराड ति मोशाकी दोके लाका मिकिवी।

14 ती पेला नेज्युनी इस्त्राएलकी मीतिवी सेम ति तन्दा सेक साड क्योड्बु राड गल वे। च्यिलासिसिन तसाम सेक साड मोशाकी ठिम लाप्सिन तिवी सेम ति गुकुर ग्यपुप दोके राड वे। ती गुकुर ति ख्रीष्टला तेपा क्यासिन तिराड पे थुक्किवी।

15 वुतुड के मोशाकी ठिम लाप्सिन तसाम सेक साड तिवी सेम ति गुकुर ग्यपुप दोके राड गिवी।

16 यिने कोन्छ्योककी मोशाला सुड्गुप दोके “चोवो कोन्छ्योककी थाकाला ग्युसप पेला ती गुकुर ग्यपुप ति पेकिवी।”*

17 चोवो कोन्छ्योक ति थु चाड्मा यिन। कनी कोन्छ्योककी थु चाड्मा नोके, ते रड्ज्येन थोक्किवी।

18 तमा दाक्पु तेरीकी गुकुर पेतुप डुतुडला चोवो कोन्छ्योककी वोसिर ति ठछ्येली थोड्गिवी। खो नेसुर वुड्गुप वोसिरकी दाक्पुला खो दोके जोनी मड मड वोसिर ग्यकुप जो नड्गिवी। ती तेरी चोवो कोन्छ्योककी थु चाड्माकी क्यावु यिन।

4

थली नेक्योक नड्गी नोर

1 तुक क्यानी कोन्छ्योककी डियराडला च्यम्बा क्यानी खोला शब्ज्यी कितुप ती लाका नड्गुप तप्की डियराड यिछ्येता कि मोगोवी।

2 डियराड तेरी परकी छ्याकला वोतुप ताड डोछा लड्गुप लाका मेलोवातिवा नाम्साड मिकिवी। तमा जिनोक जोप ताड कोन्छ्योककी सुड ति कुतुक जोप साड मिकिवी। यिने टेड्बु वोतुप सुड तिराड ख्याप्टाक क्यानी कोन्छ्योककी थोड्दाडला तेरी मीतिवी सेमला डियराड टेड्बु यिन सिस्र तेन्तेन किवी।

* 3:16 ३:१६ प्रस्थान ३४:३४

3 इयिरा ख्याप्टाक क्यावु लेन ल्यामु ति बानी ज्याक्सिन ती ति ना गल्नी पचर्या ख्येलुपतिवी थोक्ला तिराड यिन।

4 दी जम्बुलिङकी ल्हलु यिन्दुप शैतानकी येशूला तेपा मिकिवु मीतिवी सेम ति क्योङ्बु जोवु तप्की तिवी कोन्छयोककी जुजमला फेवु ख्रीष्टकी मोवा यिन्दुप लेन ल्यामुकी वोसिर सल्वु ति थोड मुथुपी।

5 इयिराड रडगी कोर्ला ख्याप्टाक मिकिवी, यिने येशू ख्रीष्ट तिराड चोवो यिन सिस्स ताड इयिराड ति येशूकी थोक्ला शब्ज्यी कितुप ख्यिरा योक्पु यिन सिनी ख्याप्टाक किवी।

6 “नक्तोमीला ठछ्येली डोशी।”* सिनी सुङ्गुप कोन्छयोककी दाक्पी सेमला खोकी वोसिर ति ग्यक च्यिन वे। तमा ती वोसिरकी दाक्पुला येशू ख्रीष्टकी शालला वोतुप कोन्छयोककी मोवा हाक्को ज्यिकिवी।

7 यिने इयिरा ख्याप्टाक क्यावु खक्छयेवु लेन ल्यामु ति छयकुप थली नेक्योक नाङ्ला ज्याड वे। तीकी तेन्दोक ति तेरी सिनाड ओङ्ज्येन छये ति इयिरा नेसुर वावु मिन, कोन्छयोक नेमा वावु यिन सिनी छया देन्दुपला यिन।

8 इयिराड नरी छो ज्यिकर नेसुर ड्यप्च्येला ख्येल वोसिनाड थल्लुकला मागल वे। यर्मिन मर्मिन गल्सिनाड यिमाछये वे।

9 मीतिवी इयिराडला छेटाड बिन्सिनाड कोन्छयोककी इयिराडला क्युनीं माज्याक वे। मीतिवी इयिराडला पोप्नी तला ग्यप्सिनाड इयिराड येलुड लानी वे।

10 येशूकी मिजी ति इयिरा मिजीला साड वोतुप छया देन्दुपला इयिराड इयिमी टेड रडगी जुला खोकी थोक्ला शिराड गोसिनाड दुक्पा खुर्किवी।

11 वुतुड के इयिरा दी शिनी डोप मिजीला येशूकी मिजी थोङ्शी सिनी इयिराड माशिवा सेक नरी खोकी थोक्ला शेपला ख्येल्लिगीवी।

12 तुक क्यानी इयिरा मिजीला ति शेपकी लाका किवी, यिने ख्यिराडला ति सेन्बु वोतुप मिजीकी लाका किवी।

13 कोन्छयोककी सुडला “डे तेपा क्यायी, तुक क्यानी ड लपिन।” सिस्स तीला कोन्छयोककी थु चाङ्मा वोतुप दोके इयिराडला साड ती थु चाङ्मा वे।* तुक क्यानी इयिराड साड कोन्छयोकला तेपा क्यानी ती ताम्डे लक्किवी।

* 4:6 ४:६उत्पत्ति १:३ * 4:13 ४:१३भजन ११६:१०

14 झियराडला छ्या वे, चोवो येशूला शेष ने डोसु लोड्गुप कोन्छयोककी झियराडला साड खो ताड मुला सेन्बु लोड्गिबी। तमा छियराड ताड झियराड तेरी मुला राड खोकी चाला टिनी फेक्किवी।

15 दी तेरी ताम्डेतिवा छियरा थोक्ला राड च्युड्गुप यिन। तुक क्यानी कोन्छयोककी कटिन ति मी बडीला ड्येकिवी, तमा तिबी कोन्छयोकला थुचिछे पुलनी मड खोला मोवा किवी।

16 तुक क्यानी झियराड नाम्साड यिछयेता मिकिबी। झियरा जु ति काड कि मुथुवु गल्सिनाड झियरा सेम ति मड मड रम्बु डोयी वे।

17 तन्दा दाक्पी उकरु च्यिक चेयी दुक्पा खुर्सिमा ज्युक्ला नरीकी नरी लुवु कोन्छयोककी मोवाकी कोर्ला नासाम ताड्सिन दी दुक्पातिवा वुतुड के काड साड मिन।

18 तुक क्यानी दाक्पु तन्दा मिककी थोड्गुप च्यालकतिवाला मिन, यिने मिककी मोथोड्गुप ज्युककी च्यालकतिवाला ड्यम्ले किवी। च्यिलासिसिन मिककी थोड्गुप च्यालकतिवा चेयी पर सेक तिराड यिन, यिने मिककी मोथोड्गुप च्यालकतिवा ति नरीकी नरी थोक्ला यिन।

5

देवाच्येनला थोपुप जु सम्बाकी कोर्ला

1 दाक्पुला छ्या वे, दाक्पी जु ति ती जम्बुलिडला देतुपला ग्यावु कुर दोके यिन। दी ति ना डिबी, यिने कोन्छयोककी दाक्पुला जु सम्बा नड्नी वे। ती ति देवाच्येनला नरीकी नरी देतुप खाड्बा यिन। ती खाड्बा ति मी लाक्पी जोवु मिन।

2 वुतुड के दाक्पु दी जम्बुलिडला वोतुप पेला ड्येन्बी सोक तोड्गिबी, च्यिलासिसिन दाक्पु ति देवाच्येनकी जु सम्बा ड्येतेपला छासे नो किवी।

3 तुक क्यासिन ते लेप्सिमा दाक्पुला जु सम्बा ड्येनी पेटुड्बा मुलुवी।

4 दाक्पु दी जम्बुलिडकी खाड्बाला मिजी क्योड्गुप पेला पप क्यानी ड्येन्बी सोक तोड्गिबी। ती ति जम्बुलिडकी जु ति क्युनी ज्योकुपला मिन, देवाच्येनकी जु ड्येतेपला यिन। तुक क्यासिन दाक्पी शिनी डोप जु ति नाम्साड मिशिवु जु सम्बाला फोकिवी।

5 दी तेरी दाक्पी थोक्ला टडिक क्या नड्गुप ति कोन्छयोक राड यिन। ती थाक्छयेतुपकी थोक्ला खोकी दाक्पुला थु चाड्मा नड्नी वे।

6 तुक कयानी दाक्पु डार कयानी दी जम्बुलिङला जुला वोता सेक चोवो येशू ताङ मुला कुतुक देतुप यिन सिस्प ति छया वे।

7 चोवो येशूला दाक्पी मिककी माथोडिसिनाड खो दाक्पी मुला नरी ज्युकिवी।

8 बुतुड के दाक्पु डार कयानी दाक्पी जु ति क्युर ज्याक्नी चोवो येशूकी मुला देवाच्येनला देतुपला छासे गा लानी वे।

9 तुक कयानी दाक्पु दी जुला देसिनाड दी जु क्युर ज्याक्नी देसिनाड चोवो येशूला तिराङ गा लोङ्गुप नोवा वे।

10 च्यिलासिसिन दाक्पु रे रेला ख्रीष्टकी ठिम क्या नडिगवी। ती पेला दाक्पु खोकी चिप्ला लङ गोकिवी। तमा दाक दाक्पी दी जम्बुलिङला जुला वोतुप पेला ल्यामु मेलोवा काङ क्यावे, तुकै राङ खोकी ठिम किवी।

कोन्छयोक ताङ मुला तम्जी ल्यामु जोवु

11 चोवो कोन्छयोकला दाक्पी ज्यिवा कि गोकिवी सिस्प ति हाक्कोवु तप्की डियराङ मी यम्बाला साङ टोङ्गु तेर्किवी। कोन्छयोककी डियराङला ल्यामो कयानी डो शेकिवी, तमा खियरा दोङ्गुला डियराङ चुकै वे सिस्प ति खियरा सेमला साङ ठछयेली छया वे सिस्प ति डला रेवा वे।

12 डियरा येलुङ रङगी थोक्ला तिराङ तेके कितुप छलुप मिन, बोस खियराङला डियरा कोर्ला तेके कितुपला तुजे बिन वे। तुक क्यासिन ख तिराङ ड राङ यिन सिनी सेम ति मेलोकपा वोतुप मीतिवाला खियरा टिलेन तेर थुक्किवी।

13 दोजो डियराङ ड्येन्बु यिन्सिन ती ति कोन्छयोककी थोक्ला राङ ड्येन्बु वोतुप यिन, डियरा सेम थिला वोसिन खियरा थोक्ला राङ सेम थिला वोतुप यिन।

14 डियराङ याङ ख्रीष्टकी डियङ्ज्येकी ओङला राङ वे। तुक कयानी डियराङ दी ताम्डे ति तेन्तेन वोतुप हाक्कोकिवी। मी तेरीकी दिक्पी थोक्ला ख्रीष्ट टुङ्सुड। ती तप्की मी तेरी खोकी मुला राङ शेप यिन।

15 खो दाक्पु तेरीकी थोक्ला टुङ्सुड। तुक कयानी सेन्बु लुवुतिवी रङगी थोक्ला तिराङ मिन, तेरीकी थोक्ला टुङ्नी डोसु लङ्गुप खोकी थोक्ला मिजी क्योड गोकिवी।

16 तफेन्ला डियराङ सुला साङ जम्बुलिङकी मीतिवी मीला ल्हावु दोके कयानी मल्हावी। थेङ्मा यी डियरा साङ ख्रीष्टला तुक राङ कयानी ल्हावु यिन, यिने त याङ तुक कयानी मल्हावी।

17 तुक कयानी सी ख्रीष्टला तेपा क्यावे, ती ति मिजी सम्बा फोवु यिन। गोमी मिजी ति तोनीं गाल्सुड। ल्होसा, त याड मिजी सम्बा च्युड वे।

18 दी तेरी क्या नङ्गुप ति कोन्छयोक राड यिन। खोकी दाक्पुला ख्रीष्ट नेसुर खो ताड मुला तम्जी ल्यामु जो नाड्सुड। तमा यम्बातिवाला साड खोकी मुला तम्जी ल्यामु जोप लाका ति ड्यिराडला नाड्सुड।

19 तीकी तेन्दोक ति येशू ख्रीष्ट नेसुर राड कोन्छयोककी तेरी मीतिवाला येलुड खोकी मुला तम्जी ल्यामु जोवु यिन। तमा मीतिवी क्यावु दुक्चे क्येनकी लाकातिवाला खोकी काड साड छयेर्पा माबिन्नी खोरे मुला तम्जी ल्यामु जोपला ख्याप्ताक कितुप लाका ति ड्यिराडला चेक तेन नाड्सुड।

20 तुक कयानी कोन्छयोककी ड्यिराडला ख्रीष्टकी थोक्ला ख्याप्ताक कितुपला तङ्गुप यिन। ड्यिरा ख्याप्ताक क्यावु सुड इयेन सिनी खोकी ख्यिराडला ठाकुरे सिनी सुडिगवी। ड्यिराड ख्रीष्टकी छयोक नेसुर ख्यिराडला सिरिन, ख्यिराड कोन्छयोककी मुला तम्जी ल्यामु जो।

21 ख्रीष्टला दिक्पा मे, यिन्सिनाड कोन्छयोककी दाक्पी क्यावु दिक्पी थोक्ला खोला पर्च्या नाड्सुड। तुक कयानी ख्रीष्ट नेसुर दाक्पु ति खोकी थोड्दाडला टेड्बु च्युड्सुड।

6

1 ड्यिरा कोन्छयोककी थोक्ला मुला राड लाका क्यावु तप्की ख्यिराडला ठाकुरे सिरिन, खोकी ख्यिराडला नङ्गुप कटिन ति तेर्मला डो माज्यी।

2 खोकी सुडला

“ख्युरूडला डे कटिन गोवु पेला ख्योरो डला रेन्दुप ति डे थोसुड।

तमा थरुप तुजेला डे ख्युरूडला दाल्जा किटे क्यायी।”*

सिनी सुड्सुड।

ल्होसा, ती कोन्छयोककी कटिन इयेतुप तुजे ताड दिक्पा ने थरुप ड्यिमा ति तन्दा राड यिनो।

पावलकी छेटाडकी कोर्ला

3 ड्यिरा क्यावु लाकाला सी साड क्येन माग्यक्शी सिनी ड्यिराड मुला साड येशूला तेपा कितुप थोक्ला नर्तुक ग्यकुप लाका मिकिवी।

* 6:2 ढः२ यशैया ४९:८

4 बोरु चुका लाका कितुप पेला साड इयिराड ति कोन्छयोकला शब्ज्यी कितुप मीतिवा यिन्दुप छया देन्दुपला छेटाडला ख्येल्सिनाड, दुक्पाला ख्येल्सिनाड, कले ख्येल्सिनाड,

5 मीतिवी दुसिनाड, चोन्खाडला उप्सिनाड, मीतिवा इयिरा तेन्दोकला लानी हराड हुरुड क्यासिनाड, छासे लाका हुर्ताक कि गोसिनाड, इयिलोकुप माइयेसिनाड, ल्होतुड्बा दे गोसिनाड,

6 इयिराड टेड्बु ताड कोन्छयोककी नङ्गुप रिक्पा ताड हम क्या देतुप ताड च्यम्बा ताड कोन्छयोककी थु चाड्मा नेमा वावु ओड ताड इयिङ्ज्ये टेड्बु ताड

7 सुड टेड्बु तेम्प ताड कोन्छयोककी नङ्गुप डारला ती लाका तेरी किवी। सु ताड मुला थमु ग्यक गोसिनाड इयिरा टेड्बु वोतुप लक्च्ये* थ्वोनी

8 मीतिवी इयिराडला ताड्देन क्यासिनाड माक्यासिनाड, ताम्डे ल्यामु क्यासिनाड मेलोक्या क्यासिनाड इयिराड ती लाका तेरी किवी। इयिराड ति मीला केन्दुप मी दोके च्युङ्गिगी, यिन्सिनाड इयिराड टेड्बु वे।

9 इयिराड ति डो मेशेवु दोके वोसिनाड मी तेरीकी डो शेवु च्युड वे। शितु छ्येनी वोसिनाड सेन्बु लुनी वे। छयेर्पा खुर्सिनाड माशी वे।

10 सेम्दुक लासिनाड नरी गा लानी वे। पेराड्बु वोसिनाड मी बडीला छ्युकुपु जो थुपुप वे। काड मेतुप दोके वोसिनाड तेरी वोतुप दोके वे।

11 कोरिन्थला वोतुप अच्युनुपतिवा, इयिरा ख्यिराडला दी ताम्डे ति वुतुड के टेड्बु सिक्पावु यिन। इयिराड ख्यिराडला सेमगी दिड नेज्युनी इयिङ्ज्ये किवी।

12 इयिरा ख्यिराडला इयिङ्ज्ये कितुप क्युनी माज्याक वे, बोरु ख्यिरा के इयिराडला इयिङ्ज्ये अला मिकिनोक।

13 त ड ख्यिराडला डरा पेजातिवाला सिक्पावु दोके क्यानी सिरिन, इयिरा ख्यिराडला इयिङ्ज्ये क्यावु दोके ख्यिरा साड इयिराडला इयिङ्ज्ये की।

तेपा मिकिवुतिवी दला माशुक

14 येशूला तेपा मिकिवु मीतिवी दला शुनी तिवी मुला राड लाका माकी। कोन्छयोककी थोड्दाडला टेड्बु वोतुपतिवा ताड दिक्पाकी ओडला युक्कुप मीतिवा चुक क्यानी तम्जी ल्यामु वुड थुक्किवी रो? याङ्ना नक्तोमीकी मुला ठछ्येली ति चुक क्यानी डिक्जोम किवी रो?

* 6:7 ६:७ ती टेड्बु वोतुप लक्च्येकी तेन्दोक ति इयिरा टेड्बु वोतुप मिजी यिन।

15 काडः ख्रीष्ट ताडः शैतान† साडः थिन थुष्किवी रो? याङ्ना तेपा कितुपतिवा ताडः तेपा मिक्विबुतिवा च्यिक्पा राडः यिन रो?

16 कोन्छयोककी थु चाङ्मा ज्युवु ल्हडाडः ताडः कुतिवी ति काडः तम्जी वे रो? च्यिलासिसिन दाक्पु ति डोसु वोतुप कोन्छयोककी थु चाङ्मा ज्युवु ल्हडाडः यिन। ती तप्की कोन्छयोककी सुडला साडः दुक सिनी टि वे,
“डः तिवी मिजीला देतिन, तमा तिवी पर्ला फार छुर कितिन।

तमा डः तिवी कोन्छयोक यिन,
तिवा ति डे मीतिवा यिन।”*

17 येलुडः चोवो कोन्छयोककी सुङ्गिगी,
“ती तप्की ती दुक्टा कितुप मीतिवा नेसुर थेन्नी शोक।
तमा तिवा नेसुर कुतुक दे।
मेचेङ्गा वोतुप च्यालकतिवा काडः साडः थो मातोडः।
तुक क्यासिन डः ख्यिराडःला सेमला लङ्गियन।”*

18 “तमा डः ख्यिरा पपा यिनो,
ख्यिराडः ति डे पुज्युडःपुमतिवा यिनो।
सिनी चोछये वोतुप चोवो कोन्छयोककी सुङ्गिगी।”*

7

1 तुक क्यानी डे इयिङ्ज्येवु अच्युनुपतिवा, कोन्छयोककी दाक्पुला ती ताम्डेतिवा थाक्छयेन नङ्गुप तप्की दाक्पी जु ताडः सेम मेचेङ्गा जोप तेरी परकी ताम्डेः मेटेङ्बु नेसुर कुतुक देतुप। तमा कोन्छयोकला ताङ्देन क्यानी वुतुडः के चाङ्मा वोतुप मिजी क्योङ्गुप।

पावलकी सेम गा क्यावु

2 ख्यिरा इयिराडःला इयिङ्ज्ये क्यानी सेमला लो। इयिरा सुला साडः मेलोवा माक्या वे, तमा सुला साडः दुक्पा माबिन वे। इयिरा सी लो नेसुर साडः ख्येप्साडः माला वे।

† 6:15 ६:१५ बेलिआल * 6:16 ६:१६ लेवी २६:१२ * 6:17 ६:१७ यशैया ५२:११ * 6:18 ६:१८ २ शमूएल ७:१४

3 डे ख्यिराडला क्येन तेस्पला दी ताम्डे सिक्क्यावु मिन। गोमाला साड डे सिक्क्यायी, ड्यिरा सेमला ख्यिराड राड वे। ड्यिराड शिसिनाड सेन्बु वोसिनाड ख्यिरा मुला नरी तम्जी लुकिवी।

4 ड ख्यिराडला छासे लो तेनिवी। ड ख्यिरा थोक्ला छासे तेके कितिन। ख्यिराड नेसुर डला मड टोड्गु ड्येन वे। डला चो छेटाड ख्येलिसिनाड सेमला छासे गा लानी वे।

5 ड्यिराड माकेडोनियाला लेपुप पेला ड्यिराडला उ तोड्गुप साड माड्ये, यिने छो ज्यिकर नेसुर छेटाड ख्येलनी लेसुड। तमा पडगी मीतिवी ड्यिराडला नरी थमु ग्यक्कुप ताड सेमला ति ड्यिराडला ज्यिवा लासुड।

6 यिन्सिनाड तीतस ड्यिरा ते वासिमा थिछ्येतुप मीतिवाला टोड्गु नड्गुप कोन्छ्योककी ड्यिराडला टोड्गु नाड्सुड।

7 तीतस वासिमा तिराड मिन, तीकी ख्यिरा नेसुर ड्येतुप टोड्गुकी कोर्ला लेन खून वासिमा डला टोड्गु ड्येसुड। ख्यिरा डला छासे ठेतुप नो क्यावु ताड ख्यिरा गोमाला डला मेलोवा क्यावु यिन सिनी डे थोक्ला पप क्यावु ताड छासे क्यानी डे छ्योला लावु ति तीकी तेरी डला सिक्क्यासुड। तुक क्यानी डला मड सेमला गा लासुड।

8 डे ख्यिराडला थिकी टिन तड्नी ख्यिराडला सेम्दुक लासिनाड तीकी कोर्ला डे लाका मेलोवा क्यायिन सिनी नासाम मोतोड, च्यिलासिसिन ती थिकीकी चैयी पर सेक तिराड ख्यिराडला सेम ना च्यिनी वे सिस्प ति डला छ्या वे।

9 त याड ड गा लावे, ती ति ख्यिराडला पप लानोक सिनी मिन, यिने ती पपकी राड ख्यिराडला सेम ग्युरूप जोवु तप्की यिन। ख्यिरा कोन्छ्योककी नोवा काड यिन सिनी नासाम तड्नी रडगी क्यावु लाकाला पप क्यावु तप्की ड्यिरा नेसुर ख्यिराडला काड साड मेलोवा माच्युड्सुड।

10 च्यिलासिसिन कोन्छ्योकला नासाम तड्नी पप क्यानी सेम ग्युरिसिन दिक्पा ने थर्वा ड्येकिवी। तुक क्यासिन डे लाका मेलोवा क्यायिन सिनी नासाम तोड मोगोवी। यिने जम्बुलिडकी थोक्ला नासाम तड्नी पप कितुप ति शेष ते क्योलिगीवी।

11 तुक क्यानी ल्हो ताड, कोन्छ्योककी थोक्ला पप क्यासिमा ख्यिराडला काड च्युड्सुड, ती ति नासाम तोड। ख्यिराड काड लाका क्यासिनाड छासे ड्यम्ले क्यानी किवी, खुरूड क्येन मेतुप च्युड्गुपला ख्यिराड टेमु किवी, तमा मेटेड्बुकी थोक्ला चो ड्यिर्मु किवी, काड कितुप चुक कितुप सिनी ज्यिवा किवी,

डला ठेतुपला छासे नो किवी, चुका डाडेड नोक, तमा ख्यिरा पर्ला दिक्पा कितुप मीला पचर्या फोकशी सिनी चो नोकिवी। ती तेरी ताम्डे नेसुर ख्यिराड ति दिक्पा मेतुप यिन सिस्प छया तेन्सुड।

12 तुक क्यानी डे ती यिकी टिवु ति लाका मेलोवा कितुप मी थोक्ला मिन, याड्ना मी यम्बी खुरुडला लाका मेलोवा क्यानी सेम्दुक वोतुप मी थोक्ला साड मिन। यिने कोन्छ्योककी थोड्दाडला ड्यिराडला ख्यिरा चो टेन्दा किनोक सिस्प ति छया देन्दुपला टिवु यिन।

13 ती तेरी हाक्कोसिमा ड्यिराडला छासे टोड्गु ड्येसुड।

तोजो तिराड मिन, ख्यिराड तेरीकी तीतसला गासो शनी तीकी सेमला लोदिमु जोवु तप्की ड्यिराडला मड छासे गा लाड्सुड।

14 तीतस ख्यिरा चाला डोप सिनाड गोमाला डे तीला ख्यिरा थोक्ला छासे तेके क्यायिन। तमा ख्यिरा डला यिछ्येता माजो वे। ड्यिरा ख्यिराडला नरी ताम्डे टेड्बु लापिन। तुक क्यानी तीतसकी मुला ड्यिरा ख्यिरा थोक्ला तेके क्यावु ति टेड्बु वोतुप हाक्कोसुड।

15 ख्यिराड तेरीकी तीतसकी खला ड्येन्दुप ताड तीला ज्यिवा खुस्प ताड ताड्देन क्यानी गासो शवु ति नासाम शनी तीतसकी ख्यिराडला मड छासे ड्यिड्ज्ये क्यासुड।

16 तमा डे ख्यिराडला छासे लो तेन्दुप तप्की डला गा लानी वे।

8

पेराड्बुतिवाला दाल्जा कितुपकी कोर्ला

1 अच्यनुपतिवा, माकेडोनिया लुड्बाला वोतुप चर्चतिवाला कोन्छ्योककी कटिन नड्गुप कोर्ला ड्यिराड ख्यिराडला सिरिन।

2 तिवा चो खोक्पा ल्हाप दुक्पातिवाला ख्येल्सिनाड छासे सेम गा कितुप ताड माड्शोक मीतिवा पेराड्बु वोसिनाड दुक्पाला ख्येलुप मीतिवाला सेम्बा सेमगी दाल्जा किते क्यासुड।

3 ड ख्यिराडला पड्बु तेरिन, तिवी खोपे तेर थुपुप सिनाड मड ल्हक्पा सेम्बा सेमगी दाल्जा किते क्यासुड।

4 तोजो तिराड मिन, यस्शलेमला वोतुप कोन्छयोककी चाड्मा वोतुप मीतिवी थोक्ला टङ्गा बुल्वा कल ताङ्नी मुला राड दाल्जा कितुप ड्येशी सिनी तिबी ड्यिराडला गोड्बा शसुड।

5 तमा तिबी ड्यिरा नासाम तङ्गुप सिनाड मड ल्हक्पा लाका क्यासुड। तिबी गोमाला खोपे मिजी ति कोन्छयोककी थोक्ला पुलसुड, तमा ती ज्युक्ला कोन्छयोककी नोवाला वोतुप दोके क्यानी ड्यिरा थोक्ला साड खोपे मिजी ति चेक तेसुड।

6 तुक क्यानी तीतसकी गोमा नेज्युनी सेम्बा सेमगी दाल्जा कितुप लाका ति गो चुवु तप्की ती कटिनकी लाका ति ख्यिरा पर्ला सिन्दा कितुपला दाल्जा किटे किशी सिनी ड्यिरा तीला टोङ्गु बिनिन।

7 ख्यिरा ती तेरी ताम्डेला मड ल्यामु क्या वे। ख्यिराड तेपा कितुप ताड येन्देन तेस्प ताड रिक्पा वोतुप ताड मी यम्बाला दाल्जा कितुपला ड्यम्ले कितुप ताड ड्यिराडला ड्यिङ्ज्ये कितुपला साड तुक राड क्यानी लाका ल्यामु क्या वे। तुक क्यानी ख्यिरा सेम्बा सेमगी दाल्जा कितुप लाकाला साड मड ल्यामु किशी सिस्प ति ड्यिरा नोवा वे।

8 दी ताम्डे ति डे ख्यिराडला क तेस्पला सिक्पावु मिन। यिने मी यम्बी सेम्बा सेमगी दाल्जा कितुप लाकाला चो ड्यम्ले क्यासुड ती ति ख्यिराडला सिक्पानी ख्यिरा ड्यिङ्ज्ये क्यावु ति टेङ्बु यिनोक मिनोक हाक्कोवुला सिक्पावु यिन।

9 दाक्पी चोवो येशू ख्रीष्टकी कटिन ति ख्यिराडला छ्या राड वे। खो छ्युक्पु वे, यिन्सिनाड ख्यिरा थोक्ला खो पेराङ्बु दोके च्युङ्सुड। तीकी तेन्दोक ति खो पेराङ्बु च्युङ्गुप नेसुर ख्यिराडला छ्युक्पु च्युङ्शी सिनी यिन।

10 तमा दीकी कोर्ला ड ख्यिराडला टोङ्गु तेरिन। लो खोर्मा यी गोमाला ख्यिरा सेम्बा सेमगी दाल्जा कितुप लाका ति गो चुसुड। यिन्सिनाड ती तेरी मासिन्नी सिन्दा कितुप ति ख्यिरा नो क्या वे।

11 त याड ख्यिरा नो क्यावु लाका ति तेरी सिन्दा किसा। ख्यिरा तेर थुपा सेक बिन्नी ती लाका क्या सिन्सिमा गोमाला गो जुवु पेला ख्यिरा मुला वोतुप ड्यिङ्ज्ये ति छ्या तेन।

12 ख्यिराडला तेस्प सेम वोसिन ख्यिरा लोला चो नोके, ती बिन्दुप ति कोन्छयोक गा किवी, यिने ख्यिरा लोला मेतुप ति खोकी मोछोल्वी।

13 दी ताम्डे ति ख्यिराडला कले वुड्शी, तमा यम्बाला ति जोल्हमु वुड्शी सिनी डे सिक्थावु मिन। यिने तेरीला च्यिकपा राड वुड्शी सिनी सिक्थावु यिन।

14 तसाम ख्यिरा मुला बडी वोतुप पेला ती नेसुर मेतुपतिवाला तेस्प ति छासे ल्यामु यिन। तुक क्यासिन ज्युक्ला तिवाला बडी वोतुप पेला ख्यिराडला गोवु ति तिवी दाल्जा किवी। तमा तेरीला च्यिकपा राड च्युड्गिगी।

15 कोन्छयोककी सुडला साड “बडी स्कुपतिवी मुला अला बडी मुलुवी, तमा इयुड्मु स्कुपतिवाला साड अला इयुड्मु मोडोयी।” सिनी टि वे।*

तीतस ताड तीकी दाल्जातिवा कोरिन्थला तड्गुप

16 कोन्छयोककी तीतसकी सेमला डे दोके क्यानी ख्यिरा थोक्ला ल्हटे कितुप सेम नाड्सुड। तुक क्यानी ड खोला थुचिछे बुलिन।

17 च्यिलासिसिन ख्यिरा ते ग्युक सिनी ड्यिरा गोड्बा शुवु ताम्डेला तीकी इयेन्दुप तिराड मिन, खुस्ड साड छासे गा क्यानी खोरो नोवाकी राड ख्यिरा ते गल्प यिनो।

18 तीकी मुला राड नुप मिरा च्यिक साड तोड्यिन वोतो। ती ति लेन ल्यामु ख्याप्टाक कितुपला तेरी चर्चतिवी पर्ला छासे मिड फेलुप मी यिनो।

19 तोजो तिराड मिन, दुवु बुल्वा खुनीं यरुशलेमला डोप पेला ड्यिरा मुला राड युक डोप सिनी ती नुप तीला चर्चतिवी पेतुप यिनो। ती बुल्वा खुस्प लाका ति चोवोला मोवा कितुप ताड ड्यिरा यम्बाला दाल्जा कितुप छासे नोवा वोतुप ति छ्या देन्दुपला यिन।

20 मी सेमगी दिड नेज्युनी पुलुप दी बुल्वा ति दुतुप ताड गोतुपला गोमा कितुप कोर्ला ड्यिराडला सी साड क्येन माग्यक्शी सिनी ड्यिराड च्याड्से देनी वे।

21 च्यिलासिसिन ड्यिराड चोवोकी थोड्दाडला तिराड मिन, मी थोड्दाडला साड चुका ति टेड्बु नोके ती राड कितुपला ड्यम्ले किवी।

22 तीतसकी मुला यम्बा नुप मिरा च्यिक साड ड्यिरा ख्यिरा ते तोड्यिन वोतो। तीला ड्यिरा थेड्मा अलायी सेक तिन्नी ल्हासिमा छासे डर्मा क्यानी दाल्जा कितुप थोड्सुड। तीकी ख्यिराडला छासे लो तेन्दुप तप्की मड डार छयेवु गल वे।

* 8:15 ८:१५ प्रस्थान १६:१८

23 तीतस ति ख्यिरा थोक्ला डे मुला राड लाका कितुप दाल्जा यिन। यम्बा नुपतिवा ति चर्चतिवी शब्ज्यी कितुपला पेतुप मीतिवा यिन। तिवा ख्रीष्टकी थोड्दाडला ताड्देन वोतुप मीतिवा यिन।

24 तुक क्यानी ख्यिरा तिवाला ड्यिड्ज्ये क्यानी पड्बु छया तेन। तुक क्यासिन ड्यिरा च्यिला ख्यिरा कोर्ला तेके क्यानोक सिस्म ति चर्चतिवी साड हाक्को थुप्शी।

9

यस्शलेमकी तेपा कितुपतिवी थोक्ला बुल्वा दुतुप कोर्ला

1 यस्शलेमला वोतुप तेपा कितुपतिवी थोक्ला दाल्जा किटे क्यावु बुल्वाकी कोर्ला याड ख्यिराडला डे यिकी टिक मोगोवी।

2 च्यिलासिसिन ख्यिराड दाल्जा किटे कितुपला छासे सेम वे सिस्म ति डला छया वे। तीकी कोर्ला माकेडोनियाकी तेपा कितुप मीतिवी चिप्ला “ननिडगी लो नेज्युनी ख्यिराड अखैयाकी* मीतिवी बुल्वा तेस्पला टडिक क्या वे।” सिनी डे तेके क्यानी सिक्या वे। ख्यिरा सेमला छासे दाल्जा किटे कितुप नो वोतुप तप्की तिवी पर्ला मी बडीकी सेमला डाडेड ड्येनी वे।

3 यिने नुपतिवाला डे ख्यिरा ते तड्गुप तेन्दोक ति ड्यिरा ख्यिरा थोक्ला तेके क्यावु ति तेर्मला मोडोशी, तमा डे सिक्यावु दोके ख्यिराड टडिक क्यानी देशी सिनी यिन।

4 दोजो ललाइ माकेडोनियाकी तेपा कितुप मीतिवा ड ताड मुला ख्यिरा ते बुड्गुप पेला ख्यिराड बुल्वा दुतुप टडिक मेतुप हाक्कोसिन ख्यिराड डोछाला ख्येल्लितो, ड्यिराड साड डोशी मारेला ख्येल्लितो। च्यिलासिसिन ड्यिरा ख्यिराडला छासे रेवा ग्येर्पु क्या वे।

5 तुक क्यानी ख्यिरा तेर्सा क्यानी थाक्छयेतुप बुल्वा ति गोमाला के च्योम च्योम कि ज्येतुपला ड सिनाड गोमाला राड ती नुपतिवाला ख्यिरा ते तोड्गुप ल्यामु यिन सिस्म डला नासाम शार्सुड। तुक क्यासिन ती बुल्वा ति करखापकी दुवु मिन्दाला सेम्बा सेमगी पुलुप बुल्वा च्युडिगवी।

मी यम्बाला सेम्बा सेमगी दाल्जा किटे कितुप कोर्ला

* 9:2 १:२ कोरिन्थ ग्येसा ति अखैया अंचल नाड्ला वे।

6 दी ताम्डे ति टोक माज्येता, “सेन चेयी राड देपुप तीकी डुप्सेन साड चेयी राड रूकिवी, यिने सेन बडी देपुप तीकी डुप्सेन साड बडी रूकिवी।”*

7 चुका मी तीकी साड खोरो सेम्बा सेमगी बिन। तेरुप सेम मेता क्यानी मिन, याड्ना करखापला ख्येलनी साड मिन। च्यिलासिसिन सेम गा क्यानी तेरुप तीला कोन्छयोककी ड्येड्ज्ये किवी।

8 कोन्छयोककी ख्यिराडला तेरी मोलाम ति छासे क्यानी नड्गिगी। तुक क्यानी ख्यिराडला तेरी गोवु च्यालकतिवा छासे क्यानी च्युड्नी गोवु सिनाड मड छाछिडी डिवी, तमा ख्यिरा मी यम्बाला ल्यामु कितुपला तेर थुक्किवी।

9 ती तप्की कोन्छयोककी सुडला साड दुक सिनी टि वे,

“सी पेराड्बु वोतुपतिवाला तेर्किवे,

तीकी क्यावु च्यम्बा ति मीतिवी नरीकी नरी टेन्गिगी।”*

10 देपुपतिवाला सेन ताड सापला समा नड्गुप कोन्छयोककी ख्यिराडला गोवु तेरी सेन नड्गिगी, तमा तीला फेल ज्यिकिगी। तुक क्यासिन ख्यिरा मीतिवाला मड दाल्जा किटे कि थुक्किवी।*

11 तमा कोन्छयोककी ख्यिराडला काड क्यासिनाड तेरी ताम्डेला मोलाम नड्गिगी, तुक क्यासिन ख्यिरा नरी सेम्बा सेमगी बुल्वा तेर थुक्किवी। तमा दाक्पी ती बुल्वा ति गोवु मीतिवाला तेरुप पेला तिगी कोन्छयोकला थुचिछे बुल्गिगी।

12 ती ख्यिरा बिन्दुप बुल्वा तीकी यरुशलेमला वोतुप कोन्छयोककी पुज्युडपुमतिगी कतुकार क्योड्गिगी। तोजो तिराड मिन, तिवा बडीकी कोन्छयोकला मड थुचिछे बुल्गिगी।

13 ख्यिरा तिगी थोक्ला बुल्वा बिन्नी ख्रीष्टकी लेन ल्यामुला वोतुप सुडला युसुड, तमा ख्यिरा सेम पेनी कोन्छयोकला तेपा कितुप मीतिवा ताड मी बडीकी थोक्ला दाल्जा किटे क्यानी पड्बु छ्या तेन्दुप तप्की मीतिगी कोन्छयोकला मोवा किगी।

14 तन्दा कोन्छयोककी ख्यिराडला छासे कटिन नड्गुप तप्की तिगी ख्यिराडला ड्येड्ज्ये क्यानी ख्यिरा थोक्ला मोपोर किगी।

15 कोन्छयोककी नड्गुप ग्यक्चेकी ड्येम्बाकी थोक्ला खोला थुचिछे।

* 9:6 ९:६ हितोपदेश ११:२४

* 9:9 ९:९ भजन ११२:९

* 9:10 ९:१० यशैया ५५:१०

10

पावलकी खुरूड लोमा छये यिन सिक्यावु

1 इ खिरा चिप्ला वोतुप पेला ज्यिवा क्यानी ताम्डे कि म्थुपी, यिने थाकिरुडुवु वोतुप पेला ति खिरा थोक्ला डाडेड क्यानी ताम्डे किवी सिनी खिरा डला सिवी। इ पावल ति ख्रीष्टकी दोके कुसु ज्यम्बु ताड च्यम्बा क्यानी खिराडला ठाकुरे सिरिन।

2 इ खिरा ते बुङ्गुप पेला इयिराड ति जम्बुलिडकी मीतिवी दोके किताड नालु किनोक सिनी सिस्म मीतिवाला छासे डाडेड क्यानी ताम्डे किवी। ती पेला खिराडला साड तिवाला दोके क्यानी डाडेड क्यानी सि मोगोशिता।

3 इयिराड दी जम्बुलिडला देकिवी, यिने जम्बुलिडकी मीतिवी दोके खोरो तेन्दोकला लङ्गुप मीतिवी मुला थमु मग्यकिवी।

4 इयिरा थमु ग्यकुप लक्च्येतिवा ति दी जम्बुलिडकी दोके मिन, यिने कोन्छयोककी डार यिन। तीकी कोन्छयोककी तेन्दोकला लङ्गुप दुक्टाकी ओङ्ज्येनतिवा तेरी ना तोङ्गिगी, तमा तेन्दोक मेतुप खौंदा लोङ्गुप ताम्डेतिवा साड ना तोङ्गिगी।

5 तमा इयिराड कोन्छयोककी रिक्पाकी तेन्दोकला लङ्गुप इ राड यिन सिस्म ताम्डेतिवा तेरी ना तोङ्गिगी। तमा ती तेरी नोवातिवाला खोकी ओडला ज्याक्नी ख्रीष्टकी कला इयेन्दुप जेवी।

6 खिरा ख्रीष्टकी कतिवा तेरी इयेन्दुप छे सिन्सिमा खोकी कला मेङ्जेन्दुपतिवा तेरीला इयिराड ठिम कितुपला टडिक क्यानी देतिनो।

7 खिराड मीला लहाप पेला फिला तिराड ल्हेवी। दोजो ललाइकी इ ख्रीष्टकी मी यिन सिवी सिंसिन, तीकी ख्रीष्टकी मी यिन्दुप दोके इयिराड साड ख्रीष्टकी मी राड यिन सिनी नासाम तोङ्गिगी।

8 च्यिलासिसिन चोवो येशूकी इयिराडला चो ओङ्ज्येन नड वे, तीकी कोर्ला डे ल्हक्पा तेके क्यासिनाड इ तीकी थोक्ला डोछा मिकी। ती ओङ्ज्येन ति खिराडला ना तोङ्गुपला मिन, खिरा तेपा रम्बु जोपला नङ्गुप यिन।

9 डे खिराडला टिनी तङ्गुप दी यिकीतिवा ति खिराडला ज्यिवा कुतुपला टिवु यिन सिनी नो माकी।

10 मी ललाइकी याड इयिराडला “ख्यिराड यिकीतिवा टिकुप पेला ति च्युस्वु ताड छासे रम्बु किवी, यिने इयिरा चिप्ला वोतुप पेला ति रम्बु मेतुप ताड तेन्दोक मेतुप तामडे तिराड किवी।” सिनी सिवी।

11 तुक सिस्प मीतिवी दी तामडे ति हाक्कोशी। इयिराड ख्यिरा मुला मेतुप पेला दी यिकी नाड्ला काड सिक्वावे, इयिराड ख्यिरा मुला वोतुप पेला काड क्यावे, ती ति च्यिक्पा राड यिन।

12 इयिराड खुस्ड तिराड डराड यिन सिनी नासाम तोड्गुप ललाइ मीतिवी मुला च्यिक्पा राड च्युड्गुप ताड तिवी मुला डिक्नी माल्हावी। तिवा खोपे नासामला तिराड मी यम्बाला ठिम कितुप ताड मी यम्बाला डिक्नी ल्हेवी सिसिन, तिवा छासे अम्बारडिशड च्युड्गिगी।

13 यिने इयिराड याड इयिरा सि गोवु तामडेला मिसिन पडगी तामडेला तेके मिकिवी। कोन्छयोककी इयिराडला चो सेक ओड्ज्येन नड वे, ती तामडेला तिराड तेके किवी। इयिरा ख्यिराडला कोन्छयोककी सुड ख्याप्टाक क्यावु लाका साड ती ओड्ज्येनला राड क्यावु यिन।

14 इयिराड ख्यिरा ते बुड्गुप ति ती ओड्ज्येनला वोतुप दोके यिन, इयिरा राड तेके क्यावु ति मिन। च्यिलासिसिन ख्रीष्टकी लेन ल्यामु ख्याप्टाक कितुपला गोमाला ख्यिरा ते बुड्गुप ति इयिराड राड यिन।

15 इयिराड ती ओड्ज्येनला वोतुप सिनाड तामडे ल्हक्पा जोनी मी यम्बी क्यावु लाकाला तेके मिकी, यिने ख्यिराड मड मड तेपा कियी गल्नी इयिरा कोन्छयोककी सुड ख्याप्टाक कितुप लाका साड ख्यिरा नाड्ला मड ल्हक्पा फनीं डिवी सिस्प ति इयिरा रेवा यिन।

16 तुक क्यानी इयिराड फनीं गल्नी सी साड कोन्छयोककी सुड ख्याप्टाक माक्यावु दासा यम्बातिवाला गल्नी सुड ख्याप्टाक किवी। इयिराड मी यम्बी क्यावु लाकाला तेके कितुप गा मालडिगी।

17 कोन्छयोककी सुडला दुक सिनी टि वे, “तेके कितुपतिवा कोन्छयोककी कोर्ला राड तेके किशी।”*

18 सी साड खुस्ड ति डराड यिन सिनी छ्ये मोडोवी, यिने चोवोकी ल्यामु यिन सिनी चिवु मी तिराड मी ल्यामु च्युड्गिगी।

* 10:17 १०:१७ यर्मिया ९:२४

11

येन्देन मेटेइबु लोपुप लोमा छयेतिवी कोर्ला

1 डे चे चेयी ताम्डे अम्बारडिशड क्यासिनाड ख्यिराड हम क्यानी दे सिस्म ति डला रेवा वे। ड येलुड सिरिन, ख्यिराड हम क्यानी दे।

2 ड ति कोन्छयोककी ख्यिराडला पप क्यावु दोके ख्यिरा थोक्ला छासे पप क्यानी लहेटे किवी। च्यिलासिसिन डे ख्यिराडला ख्रीष्टकी मुला जेन्दी कितुपला पुम्पेजा चाड्मा दोके लङ्गुप यिनो। तमा ख्रीष्ट ति च्यिक राड वोतुप ख्यिरा ख्योवा यिन।

3 यिने शैतानकी स्ल नेसुर जिनोक जोनी हव्वाला क्यान बिन्दुप दोके ख्यिरा सेम ति ख्रीष्टला वोतुप टेड्बु ताड खोकी थोक्ला सेम च्यिक राड जोनी तेन्तेन कितुप नेसुर कुतुक डिते सिनी डला ज्यिवा लान वे।

4 च्यिलासिसिन मी ललाइ वानी ड्यिरा ख्याप्टाक क्यावु येशू सिनाड यम्बा येशूकी कोर्ला ख्याप्टाक क्यासुड सिसिन, याड्ना ख्यिराडला थोपुप कोन्छयोककी थु चाड्मा सिनाड यम्बा थुकी कोर्ला ख्याप्टाक क्यासुड सिसिन, याड्ना ख्यिरा सेमला लावु सिनाड यम्बा लेन ल्यामुकी कोर्ला ख्याप्टाक क्यासुड सिसिन ख्यिराड तिवी ताम्डेला जोल्हमु क्यानी सेमला लङ्गिगी।

5 ती मीतिवा खोप्राड ति चोछयेवु लोमा छये यिन सिनी सिवी, यिने ड ति चेयी साड ती मीतिवा सिनाड छ्युडा मे।

6 ड ति ताम्डे लपुपला खामु मे सिनी सिवी, यिने डे मुला कोन्छयोककी रिक्पा ड्युड्मु मे। दी ताम्डे ति ड्यिरा ख्यिराडला तेरी ल्यामो क्यानी हाक्को च्यिन वे।

7 कोन्छयोककी नङ्गुप सुड ति डे ख्यिराडला काड साड मालानी तुक राड ख्याप्टाक क्यासिमा ख्यिराडला छये जोपला ड ति मो पापिन। काड डे तुक क्यावु ति मेलोवा यिन रो?

8 ख्यिरा थोक्ला लेन ल्यामु ख्याप्टाक कितुपला यम्बा चर्चतिवी टङ्गा डोसुम तङ्नी दाल्जा क्यासुड। तुक क्यावु ति ख्यिराडला दाल्जा कितुपला तिवी नेसुर टङ्गा ठोवु दोके यिन।

9 ख्यिरा मुला वोतुप पेला डला टङ्गी कतुकार ख्येल्सुड, यिन्सिनाड डे ख्यिराड सुला साड कले मालाड। च्यिलासिसिन माकेडोनिया नेसुर वावु तेपा कितुप अच्यनुपतिवी राड ती डे कतुकारला दाल्जा किटे क्यासुड। ती तप्की

डे चुका पर यी क्यासिनाड ख्यिराडला कले मेख्येलशी सिनी हम क्या देतिन।
ज्युक्ला सेक साड ड तुक राड कितिन।

10 ख्रीष्टकी टेड्बु ति डे मिजीला वोता सेक अखैयाकी लुड्बाला सी साड डे
तेके क्यावु तामडे ति ग्येक मुथुपी।

11 तुक सिक्क्यावु ति डे ख्यिराडला डियेड्ज्ये माक्यावु तप्की यिन रो? ड
ख्यिराडला डियेड्ज्ये कितिन। ती ति कोन्छयोक्ला तेरी छया वे।

12 ड डे क्यावु लाका ति नरी क्या क्यावा देतिन। तुक क्यासिन खोप्राड राड
चोछयेवु लोमा छये दोके जोनी युक्प मीतिवी खोप्राड साड डियेराड दोके यिन
सिस्प च्यु मेड्येवी।

13 तुका मीतिवा ति लोमा छये जुमा यिन। तिवी येन्देन मेटेड्बु लोपुप लाका
किवी। तिवा ति ख्रीष्टकी लोमा छये दोके जोनी युकिवी।

14 यिने दी तामडे ति हलेवु तामडे मिन, च्यिलासिसिन शैतान साड वोसिरला
वोतुप देवाच्येनकी मीतिवा दोके जोनी युकिवी।

15 शैतान तिराड मिन, शैतानला शब्ज्यी कितुपतिवी साड कोन्छयोक्की
थोड्दाडला टेड्बु वोतुप दोके जोनी युकिवी। तुक क्यानी दी तामडे ति यम्जेन
लड्गुप तामडे मिन। यिने ज्युक्ला तिवी काड क्यावे, ती छयेर्पा ति तिवी खुर
गोकिवी।

पावलकी खोरो छेटाड खुस्प कोर्ला तेके क्यावु

16 ड येलुड सिरिन, सी साड डला अम्बारडिशड यिन सिनी नो मिकिशी।
यिने ख्यिरा सेमला तुकै राड नोकिवी सिसिन ख्यिरा ड ति अम्बारडिशड राड
यिन सिनी सेमला लो। तुक क्यासिन ड ति अम्बारडिशड वोतुप दोके क्यानी चेयी
तेके कि थुक्किवी।

17 दी डे तेके क्यावु ति चोवो येशूकी ओड्ज्येन नेमा क्यावु मिन, यिने डरा
राड अम्बारडिशड दोके क्यानी सिक्क्यावु यिन।

18 मी बडीकी जम्बुलिडला क्यावु लाकाकी थोक्ला डराड यिन सिक्क्यावु
दोके ड साड डराड यिन सिनी सिरिन।

19 ख्यिराड रिक्पा वोतुप तप्की अम्बारडिशड वोतुप मीतिवी सिक्क्यावु
तामडेला साड गा क्यानी हम क्या देकिवी।

20 खिराडला मी ललाइकी योक्पु जोसिनाड, याड्ना टुक्तेर क्यानी सोसिनाड, याड्ना खिराड नेसुर ख्येप्साड लासिनाड, याड्ना खिराडला दप्शे ग्यप्सिनाड, याड्ना डम्बाला राड पोप्सिनाड खिराड हम क्यानी देकिवी।

21 ड डोछा लासिनाड ती ताम्डे किवी, डियरा याड तिवी दोके काड साड कि मुथुपी।

यिने मी ललाइकी तेके किवी सिसिन, ड साड तेके राड कितिन। डला ती तेके कितुप ति अम्बारडिशड यिन सिनी छया वे।

22 तिवा हिब्रू यिन सिसिन ड साड हिब्रू यिन। तिवा इस्राएलकी मीतिवा यिन्सिन ड साड इस्राएलकी मी यिन। तिवा अब्राहामकी गिपा यिन्सिन ड साड अब्राहामकी गिपा राड यिन।

23 काड तिवा ख्रीष्टकी थोक्ला शब्जयी कितुप मी यिन रो? ड ड्येन्बु दोके ताम्डे किवी, ड याड मड ख्रीष्टकी थोक्ला शब्जयी कितुप मी यिन। डे छासे हुर्ताक क्यायी, ड चोन्खाडला साड थेड्मा अलायी शोस्प यिन, तलज्येक साड बडी ग्यप्सुड, थेड्मा बडी शेप ते ख्येल्सुड।

24 यहदीतिवी लक नेसुर डे तलज्येक खल्लिज्यक ताड च्युर्कु ति थेड्मा ड सेक सोयी।

25 थेड्मा सुम डला लकाम थ्वोनी पोप्सुड, थेड्मा यी दो थ्वोनी पोप्सुड, थेड्मा सुम याड ड शेन्दुप टु साड शिक्सुड, तमा डियेमा च्यिक ताड नुप च्यिक याड ग्येम्छो नाड्ला राड यर्मिन मर्मिन गल्नी देतिन।

26 ड नरी फार छुर युक्पु पेला चड्बु ग्याव दासाला साड ख्येल्सुड, च्याक्पातिवी लकला साड ख्येल्सुड, रडगी गिपाकी मीतिवा ताड मिरिक यम्बाकी मीतिवी लकला साड ख्येल्सुड, ग्येसातिवा ताड दासा पाड्थेरीला वोतुप दुक्पाला साड ख्येल्सुड, तमा ग्येम्छो नाड्ला साड ख्येल्सुड, तेपा टेड्बु मिकिवुतिवी लकला साड ख्येल्सुड।

27 ड याड लाका छाकुल ताड लाका कलेला साड ख्येल्सुड, थेड्मा अलायी डियलोकुप साड माड्येसुड, ल्होवा कोम्बा लड्गुप ताड साप समा माड्येसुड, ख्योवा ताड पेटुड्बा साड देतिन।

28 तोजो तिराड मिन, डला याड तेरी चर्चतिवी थोक्ला साड नरी पप लानी सेमला सेम्दुक लड्गिगी।

29 ललाइ डार मेतुप वोसिन ड साड डार मेतुप च्युड्सुड, ललाइकी मी

यम्बाला दिक्पा कि च्यिसिन डे सेमला छासे पप लासुड।

30 डे तेके राड कि गोसिन डला डार मेटुपकी थोक्ला राड तेके किवी।

31 चोवो येशूकी पपा कोन्छयोक्ला नरीकी नरी सोवा वुड्शी। डे नाम्साड जिनोक मोजोयी सिस्प ति खोला छया वे।

32 दमस्कसला वोतुप अरितस ग्येल्वी ओडला लाका कितुप ती ग्येसाकी मी छये तीकी डला जिम्बुपला ती ग्येसाकी गोला रूहेन्दुप मी ज्याक्नोक।

33 यिन्सिनाड ते वोतुप दाल्जातिवी डला दोकरकी करुड नेमा तोलुम नाड्ला ज्याक्नी मर पापुप तप्की ड ति तिवी लक नेसुर टो थुप्सुड।

12

पावलला ज्यल्का थोपुप

1 डे तेके क्यावु ताम्डे ति ख्येप्साड मेसिनाड, डला चोवो नेमा थोपुप ज्यल्का ताड खोकी हाक्को च्यितुप ताम्डेकी कोर्ला ड सिरिन।

2 येशू ख्रीष्टला तेपा कितुप मी मिरा च्यिकला डे डो शेकिवी। ती ति लो च्युप्जयी गोमाला तेरी सिनाड येर देवाच्येन सेक तेक्नी गाल्सुड। यिने ती ति जु ताड डेके तेक्नी गल्प यिन्दे की, जु मेता क्यानी गल्प यिन्दे डला छया मे। कोन्छयोक्ला तिराड छया वे।

3 ड येल्ड सिरिन, ती मीला डे डो शेकिवी। यिने ती ति वुतुड के यिन्दे की, ज्यल्का यिन्दे डला छया मे। कोन्छयोक्ला तिराड छया वे।

4 ती मी ति कोन्छयोक्की ग्येल्खापकी दुम्डोकला तेक्नी गल्सिमा तीकी सि मुथुपु ताम्डेतिवा थोनोक, ती ताम्डे ति मी ख नेमा सिस्प साड मेवी।

5 ड ती मी तीकी कोर्ला तेके क्यानी सि थुप्किवी, यिने डरा थोक्ला ति डार मेटुप कोर्ला मिसिन ज्येन ताम्डेला तेके मिकी।

6 डे तेके क्यासिनाड ड ति अम्बाराडिशड कितुप मी दोके मोडोवी, च्यिलासिसिन ड ति टेड्बु वोतुप ताम्डे तिराड सिरिन। यिने मीतिवी डे कोर्ला थोड्गुप याड्ना थोवु सिनाड ल्हक्पा ति सी साड नासाम मोतोड्शी सिनी ड तेके मिकी।

7 यिने डे छासे हलेवु ताम्डे थोड्सुड सिनी डराड यिन सिस्प नेसुर ग्येक्पला कोन्छयोक्की डे जुला छेर्माड सुक्प दोके छेटाडला ख्येल च्यिसुड। ती छेटाड ति शैतानकी लेन क्योलुप तीकी ख्येल च्यितुप यिन। तीकी डला छासे सुक कि च्यिनी डराड यिन सिस्प नेसुर क्येक्सुड।

8 ती छेटाड ति डे जु नेसुर दोनी नाड सिनी चोवोला डे थेड्मा सुम सेक गोड्बा शयी।

9 यिने चोवोकी डला दुक सुड्सुड, “डे कटिन ति ख्युरडला गोवु सिनाड मड ल्हक्पा वे। च्यिलासिसिन डे डार ति डार मेतुपतिवी खला राड तेरी छेकिवी।” तुक क्यानी ख्रीष्टकी ओड ति डे मिजीला लुशी सिनी ड छसे गा क्यानी डार मेतुपकी थोक्ला तेके किवी।

10 तुक क्यानी ड ति ख्रीष्टकी थोक्ला डार मेतुप पेला ताड मी मारे तोड्गुप पेला ताड कलेला ख्येलुप पेला ताड छेटाडला ख्येलुप पेला ताड दुडलला ख्येलुप पेला लोदिमु क्यानी दे थुक्किवी। च्यिलासिसिन ड डार मेतुप पेला डार छयेवु च्युड वे।

कोरिन्थकी मीतिवी थोक्ला पावलकी पप क्यावु

11 ख्यिरा राड डला कार क्यानी तुका अम्बारडिशड कितुप जोवु यिन। ख्यिरा डला ताड्देन कि गोवु ति यिन्जा, च्यिलासिसिन ड ति काड मिन्सिनाड खोप्राड ति चोछयेवु लोमा छये यिन सिस्म मीतिवा सिनाड चेयी साड छ्युडा मे।

12 ड वतुड के लोमा छये यिन सिस्म ति छया देन्दुपला ख्यिरा पर्ला छसे डेकला देनी हलेवु ततिवा ताड हलेवु लाकातिवा ताड डार छयेवु लाकातिवा क्यावु यिन।

13 ख्यिराडला डे थोक्ला डोसुम नाड सिनी ताम्डे माक्यावु ति मिसिन डे यम्बा चर्चकी मीतिवाला सिनाड ख्यिराडला काड मेलोक्पा क्यासुड रो? तुकै यिन्सिन तीकी कोर्ला डे ख्यिराडला माफ लोड गोकिवी।

14 त येलुड ड थेड्मा सुमला ख्यिरा ते वुड्गुप सिनी टडिक क्यान वे। ड वासिनाड ख्यिराडला ति कले ख्येल मिज्यी। च्यिलासिसिन ड ख्यिरा ते वावु ति ख्यिरा टोड्बा थोपुपला वावु मिन, ख्यिरा थोक्ला वावु यिन। पपाआमी थोक्ला पुज्युडपुमतिवी टोड्बा मोशोम्बी, यिने पुज्युडपुमतिवी थोक्ला के पपाआमी टोड्बा शोम गोकिवी।

15 ड ख्यिरा थोक्ला छसे गा क्यानी डे मुला वोतुप तेरी डोसुम तोड्गुप ताड डे मिजी साड तेरिन। डे ख्यिराडला तुका मड्मु डियड्ज्ये क्यासिनाड ख्यिरा डला डियड्ज्ये मिक्किवी?

16 डे ख्यिराडला कले ख्येल माच्येवु ति ख्यिराडला साड छया वे। यिने ललाइ मीतिवी ड ति छसे च्यड्बु वे, तमा डे ख्यिराडला जिनोक जोनी लुकितो सिनी सिवी।

17 काङ डे खिरा ते तङ्गुप मीतिवी पर्ला ललाइ मीतिवी खिरा लो नेसुर ख्येप्साङ तेन्सुङ रो?

18 तीतसला खिरा ते ग्युक सिनी डे सिक्पायी। तमा तीकी मुला यम्बा नुपला साङ तङ्गिन। काङ तीतसकी खिरा लो नेसुर काङ रे च्यिक रे ख्येप्साङ लासुङ रो? ड ताङ तीकी सेम च्यिक्पा राङ च्युङ्नी मुला राङ लाका क्यावु मिन रो?

19 काङ खिरा इयिराङला ति खुरुङ र्होकुपला तिराङ दी ताम्डे सिक्पावु यिन्दे सिनी नोकिवी? मिन, इयिराङ येशू ख्रीष्टला तेपा क्यावु मी दोके च्युङ्नी कोन्छयोककी थोङ्दाङला दी ताम्डे सिरिन। डे इयिङ्ज्येवु अच्युनुपतिवा, दी तेरी ताम्डेतिवा खिराङला तेपा रम्बु जोपला इयिरा सिक्पावु यिन।

20 ड खिरा ते वुङ्गुप पेला खिराङ डे नोवाला वोतुप दोके ठेकिताङ मेठेताङ, ड साङ खिरा नोवाला वोतुप दोके ठेकिताङ मेठेताङ सिनी डला ज्यिवा लानी वे। तमा खिरा पर्ला खाँदा कितुप ताङ ठतोक कितुप ताङ इयिर्मु कितुप ताङ रङगी थोक्ला तिराङ नासाम तोङ्गुप ताङ मी यम्बाला ताम्डे मेलोवा कितुप ताङ मीला मेतुप ताङ छ्येजु कितुप ताङ खुरुङ राङ सेम नोजु क्यानी युक्पु गल वे सिनी डला छासे ज्यिवा लानी वे।

21 ड येलुङ खिरा ते वुङ्गुप पेला कोन्छयोककी खिरा दोङ्गुला डला मो बेक्किते यिन्दे सिनी डला ज्यिवा लानी वे। तमा गोमाला लाका मेटेङ्बु क्यावु ताङ शम्डेन कितुप ताङ डोछा लङ्गुप लाका क्यानी दिक्पा कितुप नेसुर सेम मुग्युपतिवा बडीकी थोक्ला डला छासे पप लानी वे।

13

पावलकी बिन्दुप तिङ्मी टोङ्गु

1 थेङ्मा सुमला ड खिरा ते वुङ्गिनो। नासाम तोडा, कोन्छयोककी सुङला सुङ्गुप दोके “खिरा पर्ला वोतुप चुका क्येन वोसिनाङ मिरा इयी सुम पङ्बु ज्याक्नी तिराङ तेन्तेन कि गोकितो।”*

2 थेङ्मा इयीला ड खिरा मुला वोतुप पेला खिराङला टोङ्गु बिन्दुप दोके ड खिरा पर्ला मेसिनाङ खिराङला येलुङ छासे क्यानी टोङ्गु तेरिन, ड वुङ्गुप पेला गोमाला दोके दिक्पा कितुपतिवा ताङ यम्बा सुला साङ क्यानी मोज्योक।

* 13:1 १३:१ व्यवस्था १७:६; १९:१५

3 च्यिलासिसिन ख्रीष्ट डे मिजी नेमा ताम्डे किवी सिस्स पड्बु ति ख्यिरा छोल्लितो। खोकी ख्यिरा पर्ला ठिम क्या नड्गुप पेला खो डार मेतुप मिन, डार छ्येवु वोतुप ति हाक्कोकिवी।

4 खो वुतुड के जुला वोतुप पेला डार मेतुप च्युड्नी ग्यड्शिड लोला कल्नी सेसुड। यिन्सिनाड कोन्छ्योककी ओडला खो डोसु राड ज्यु वे। ती दोके ड्यिराड साड खो ताड मुला वोतुप तप्की डार मेतुप वे, यिने खो शेप ने डोसु लड्गुप दोके ड्यिराड कोन्छ्योककी ओड नेसुर ख्रीष्टकी मुला मिजी क्याड्नी ख्यिराडला ठिम किवी।

5 ख्यिराड तेपा रम्बु वोताड मे ख्यिरा राड नासाम तोड, तमा ल्यामो क्यानी ल्हो। तमा ख्रीष्ट ख्यिरा मिजीला ज्यु वोताड मे सिस्स ति हाक्कोकिवी। ख्रीष्ट ख्यिरा मिजीला मेसुड सिसिन ख्यिरा तेपा क्यावु ति काड साड फेन मोथोवु डिवी।

6 वुतुड के ड्यिराड ति फेन मोथोवु मागल वे सिस्स ति ख्यिरा हाक्कोशी सिनी डला रेवा वे।

7 ख्यिराड काड साड लाका मेलोवतिवा मिकिशी सिनी ड्यिराड कोन्छ्योकला मोपोर किवी। ड्यिरा मोपोर क्यावु ति ड्यिराड ल्यामु वोतुप छ्या देन्दुपला मिन, यिने ड्यिराड फेन मोथोवु दोके थोड्सिनाड ख्यिराड लाका टेड्बु कि थुप्शी सिनी ड्यिराड मोपोर किवी।

8 ड्यिराड टेड्बुकी तेन्दोकला लानी काड साड कि मुथुपी, यिने टेड्बुकी थोक्ला तिराड लाका कि थुप्किवी।

9 ड्यिराड डार मेतुप वोसिनाड ख्यिराड ति रम्बु वोतुप पेला ड्यिराड छासे गा लड्गिगी। ख्यिराड तेरी येर्के गल्नी ल्यामु च्युड्शी सिनी ड्यिराड मोपोर किवी।

10 ख्यिरा मु नेसुर ड थाक्किड्बु वोतुप तप्की दी यिकी टिकिन वोतो। दीकी तेन्दोक ति ड ख्यिरा ते वुड्गुप पेला चोवोकी डला नड्गुप ओड्ज्येन नेसुर डे ख्यिराडला च्युस्वु कि मोगोशिता। ती ओड्ज्येन ति ख्यिराडला ना तोड्गुपला मिन, तेपा रम्बु जोपला यिन।

पावलकी बिन्दुप तिड्मी मोलाम

11 लो तमा, अच्युनुपतिवा, त याड ड दोजोयी राड टिकिनो। ख्यिराड येर्के गल्नी ल्यामु च्युड्शिता। डे सिक्यावु ताम्डेला ल्यामु क्यानी ड्येना। मी यम्बी

मुला सेम च्यिक्पा राड च्युङ्नी लोदिमु क्यानी देता। दाक्मुला इयिङ्ज्ये ताड लोदिमु नङ्गुप कोन्छ्योक ति ख्यिरा मुला ज्युक्तो।

12 च्यिककी च्यिकला इयिङ्ज्ये ताड मुला टसी देलेक सिसा।

13 कोन्छ्योकला तेपा कितुप तेरी अच्युनुपतिवी ख्यिराडला टसी देलेक सिनी तड वोतो।

14 चोवो येशू ख्रीष्टकी कटिन ताड कोन्छ्योककी इयिङ्ज्ये ताड खोकी थु चाङ्माकी डिकजोम ति ख्यिराड तेरीकी मुला नरी लुशिता।

xxx

कोन्छ्योककी सुड

Sherpa: कोन्छ्योककी सुड New Testament

copyright © 2014 Wycliffe Bible Translators, Inc.

Language: (Sherpa)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source files
dated 29 Jan 2022

b834b297-b0c6-512e-bce6-f4d9b41b94be